

奏謝錄

謝

詹事府少詹事兼翰林院學士臣夏言



賜勅加服色疏

今月二十日伏蒙

聖恩召至

文華殿親承

聖諭以臣言耕蠶事上契

宸衷特降勅褒嘉無賜四品服色及綵段表裏者伏

以囊封上

奏冒陳葑菲之愚

制墨下頒光奉絲綸之寵

玉音天表對只尺於重霄鴈錦宮袍錫便蕃於晝日

謬膺異數叨被殊榮撫已增慙感

恩欲涕竊念臣材識俱陋仕學未優獻納無能徒竊
大官之食遭逢有道久塵供奉之班直自信其
戇駘竟何有於神補詎意一介孤危之迹過蒙
九重特達之知曾誰為之先容乃獨蒙乎

深眷

傳宣下逮

規獎交承

天語從容謂農桑為玉業之本臣心感激知禮樂待
聖人而興光分在笥之衣榮捧封泥之

詔金緋動色榮加四品之章華衮生輝寵倍十行之

札臣敢不益勵乃心益思盡職服膺

聖訓之諄諄知無不言言無不盡誓言竭匪躬之蹇蹇
但小民安則天下治願分濟衆之憂用人當則

立政公仰體

求賢之渴臣瞻

天聖

聖無任感

恩圖報之至奉

聖旨覽奏知道了

辭免

陞僉都御史疏

五月二十二日

節該吏部爲缺官事題奉

聖旨夏言陞都察院左僉都御史管院事欽此臣伏

蒙

簡注越出尋常退省踈庸倍增跼蹐竊念臣忝塵諫

職于茲累年曾無絲毫有裨治理尚賴

天庥包荒幸免誅責詎意去歲臘日蒙

恩改調濫居六科侍從之首今年春仲

賜勅獎譽特加四品服色之榮又祇奉

溫綸勉臣盡職遇有聞見所宜直陳臣實抱空踈無

能稱塞屬緣

朝廷建立大事仰塵

聖慮蚤夜不遑竊欲獻其愚忠方有待於暇日久虛
德意深用矜慚豈謂

大恩重加登進竊惟僉都御史為內臺要職列在大
僚所以繩糾百官邪慝肅清

朝廷紀綱乃古御史大夫之任中丞執法之司視
都給事中言責雖均而體貌特重自非謇諤獨
立忠亮自許才負經濟志先國家者恐不足以
秉憲度於

朝端植風聲於天下是宜博采必付真材顧臣何
人乃辱茲選况臣昨奉

勅旨監視巡察

郊壇工程責任重大事方經始未効微勞而遽受
新恩恐妨

成命臣聞宋臣包拯劾罷三司使宋祁尋以拯代祁
歐陽修有蹊田奪牛之譏緣前僉都御史李如圭
係臣薦舉賑濟乃竟出撫邊鎮今以臣代之
擬之拯事雖用情不同而形迹近似夫以拯之
忠鯁尚且取譏於修以修之直亮猶不能信拯

則臣之不肖惡能免於人言以上二事皆臣心未安伏乞

聖慈矜察特寢

新命俾臣仍守舊官別揀英賢以重風紀臣極知官非卿正例不當辭然情出懇誠有不容已干冒

宸嚴無任感

恩待罪之至奉

聖旨爾才學老成風力素著茲特簡用况該部會推非朕所私宜即到任管事但爾既這等說特准所

請着照舊供職著文四品俸吏部知道

謝陞侍讀學士疏 十月二十日

今日十五日伏蒙

皇上於

視朝畢宣召勳輔大臣臣郭勛臣張璠等暨臣言

至

奉天殿

陛下自御座降至簾前

親授

勅諭命纂修

祀儀成典特陞臣翰林院侍讀學士仍無吏科都給事中與中允等官臣廖道南等為纂修官者臣

拜

命周章措躬跼蹐竊惟詞林妙選自古為榮學士清銜前史所重非文章華國不足以寄絲綸非道

德格

君不足以居宥密顧茲要地可畀匪人况

郊丘事重式觀典禮之成而筆削才難曷副編摩之

責伏念臣師資孤陋學植荒蕪蚤玷賢科久塵諫署雖曰朴忠之自許其如慙直之寡諧誤蒙

君父特達之知奚啻

天地生成之德每念

大恩之莫報顧膺異數之存加豈謂蹇淺之人遽歷

高華之選玉堂清瑣叨地分之兼榮獻替論思

愧才猷之並乏但焜煌

帝制宿奉傳宣只尺

天顏親相授受仰稱

九重之重托寧矜一介之小庶輒冒昧以承
恩願黽勉而從事茲實恭遇我

皇上天心廣大不以葑菲而下遺

海德并包不擇涓流而畢納

力興禮樂無制作於百王

再造乾坤開太平於萬世臣敢不溫尋舊業砥礪前

修誠意正心首為

聖學緝熙之獻特書直筆少効史臣紬繹之勞至於

一息之尚存誓答千載之難遇臣無任感戴

天恩激切屏營之至奉

聖旨覽奏謝知道了前宜用心供職以副朕意該衙

門知道

謝

賜新曆疏 十一月初三日

今月初一日伏蒙

聖恩賜臣新曆五帙者竊念臣初預講筵輒叨

恩賜一辭未替愧聯

帷幄之班三賜為榮欣考

璣衡之政觀

欽明於

堯象得

敬授於夏時

肇明一歲之宜

誕布五行之令臣敢不稽

天慎事仰承

叅贊之功希聖惜陰俛竭進修之力數

遭逢於千載

日躋有道之長祈

歷服於萬年

天與無疆之慶除臣列名講官侍郎徐縉等例

謝外但臣首被

殊恩無任仰戴感激之至謹具本陳

謝以

聞奉

聖旨覽申奏謝知道了

謝

賜祭胙瓊果福酒䟽十一月初一日

今月初一日伏蒙

皇上以祭告

天帝

宗廟瓊果十二品福酒一尊

賜臣者臣謹就私室墾

闕稽首頓首祇受訖伏惟

神明餘惠

寵賚小臣實遠佳核得品嘗登

廟黃流僭叨霑醉臣敢用薦諸祖考上昭

君賜之榮分及賓親共侈

聖恩之大臣無任感荷

天恩之至奉

聖旨覽陳奏謝知道了

謝

賜充分獻官并賜祭胙䟽十一月二十三日

嘉靖九年十一月二十三日恭遇

皇上肇修

大報禮于

園丘先是奉

旨以臣言充

雲雨風雷壇分獻官乃今二十日重蒙

聖恩以告祭

太廟鹿脯一塊醢一楮兔醢一楮果五品酒一尊賜

臣者

寵數優隆榮預壇垓之末

卷私稠渥惠頒俎豆之餘顧駿奔之靡遑迺

駢錫之荐及但

廟籩甫徹先嘗玉饌之珍而

郊璧未將敢啓黃封之固臣齋居外署瞻拜

中宸

精白乃心恭受

奉天之

誓戒尤宜敬慎祇承

華蓋之

訓辭惟

盛德之難名匪微躬之足報臣無任感戴

天恩之至奉

聖旨覽爾奏謝知道了

謝賜

御札疏 十二月二十四日

昨日已時伏蒙

宣召至左順門該司禮監太監韋霽捧到

御札一封賜臣謹叩首領出方展拜伏讀訖隨該吏

部題本送科奉

天恩激切屏營之至奉

聖旨覽奏謝知道了爾宜用心供職以副朕意該衙

門知道

謝

賜新曆疏 十一月初三日

今月初一日伏蒙

聖恩賜臣新曆五帙者竊念臣初預講筵輒叨

恩賜一辭未替愧聯

帷幄之班三賜為榮欣考

璣衡之政觀

欽明於

堯象得

敬授於夏時

肇明一歲之宜

誕布五行之令臣敢不稽

天慎事仰承

參贊之功希聖惜陰俛竭進修之力數

遭逢於千載

賜甘露疏

嘉靖十年正月二十三日

嘉靖十年正月二十二日欽奉

聖諭以去冬十一月二十三日長至祇行大報禮于

圜丘十二月二十三日

天降寶露于

顯陵特以守臣所獻分

賜及臣者伏惟

璠壇掃地禮崇大報之年

寶露溥空瑞應迎長之旦

玄酒潛回於一氣

明裡允格乎三靈

大孝顯

親肆 園陵首潔

天澤

至仁饗

帝乃期月明有

聖徵草木生香陰陽凝潤蜜醇冰瑩傾仙掌於雲中
委素流甘結珠璣於林表茲蓋恭遇我

皇上舜孝禹功

文謨武烈

道超無始

德及太清

調玉燭之至和

撫璿璣於大順致茲

嘉慶式協

熙明宮監駭觀競攀條而采拾守臣快覩速馳置
以貢陳走萬里之江湘晞

九重之日月

龍顏喜動旣躬薦諸

祖考之前

鶴髮懽增載祇獻于

慈闈之下祥流

禁掖聲溢寰區遙瞻玉綴於

松林悵望

白雲於衡嶽彼中華桐樹何足以示群臣即日南朱

梧猶為得之異域詎若太平之灑真成

至道之疑矧

睿藻天葩渙

傳宣於清晝而銀罍翠管赫

寵賜於層霄稽首以嘗憶金莖之沆瀣入口而化疑

玉杵之玄霜涼沁詩脾沃相如於久渴甘回塵

吻解太白之餘醒臣服會

膏恩沾濡

瑞錫揮彩毫而作頌尚慚倚馬之才望

丹闕以陳辭幸際

飛龍之運伏願

皇上體天行健

與日躋升

繁祉無疆味漭漭於湛露

景命有僕覩蟄蟄於蝻斯臣無任抃舞祈祝稱慶
之至奉

聖旨覽爾奏謝朕具悉所陳禮部知道

謝

賜束帶疏 二月十八日

嘉靖十年二月十七日伏蒙

聖恩特降

御筆手勅以二品金扇花犀束帶一襲賜臣者臣誠
惶誠忭稽首頓首伏以

禁垣簡拔方承不世之遺

宸翰褒嘉獨拜非常之賜

茂恩存至省分非堪

蕃錫有加措躬無據竊惟

郊丘祗載兆自

神謨

宗廟靈承光于

聖孝適觀熙事懋對

昌辰顧茲蒐講之上儀罔匪折衷於

睿斷如臣顯昧曾何仰助於萬分惟

聖謙撝乃弗遐遺於得伏枉瓊瑤之報過煩

華袞之褒犀帶黃金佩

九重之新渥

龍章御墨假二品之殊榮捧出

雲霄光生蓬華喧傳閭里喜動簪紳奉

宣命以趨

彤闈幸接尚書之履啓封函而臨

紫閣光分上相之麻

寵溢常倫榮逾素望茲實恭遇我

皇上德配三極

道貫百王

文輯濶希

仁漸踈迭

銳情禮樂旁招稽古之儒

勵志經綸渴想匡時之佐遂致荒蕪之學竟塵密
勿之班曾謂執轡之文亦玷絲綸之寄宋學士
服重金之貴傳故事於詞林唐宰相賜通天之
珍播芳聲於史冊未若

休明之異數加諸庶賤之小臣並三錫以增榮貴
一時之特盛但

君臣之時恒一或而難遇顧

天地之造豈一身之足酬臣敢不仰承

訓獎誓畢命以馳驅苟有謀猷願輸誠於贊理臣無
任瞻

天望

聖激切屏營之至奉

聖旨覽爾奏謝已知禮部知道

謝陞少詹事兼翰林院學士疏 三月十三日

今月十一日該內閣臣張孚敬臣翟鑾題請

簡用學士官一員掌管翰林院印信即日伏蒙

聖恩陞臣詹事府少詹事兼翰林院學士掌管印信

昭舊

經筵日講并

誥命著照今職給與者臣誠懼誠感頓首頓首伏以
綸音荐被

簡眷加隆菲質無堪心顏交愧竊惟東朝華重選莫
妙於宮端北院深嚴職莫親於翰學蓋青坊弼
諧

儲副固宜預蓄材英然詞林宥密樞機要必旁資
儒碩顧清階之並列俾兼領於一時

翠帷仍勸講之班

紫詔改榮親之命謝封章於瑣闥

昇視篆於玉堂

恩異數殊顧瞻增懼

望深責重負荷難勝切念臣卷曲樗材苦窳陋質起
家寒畯屬運

休明誤同浚勃之兼收敢擬珪璋之特達此蓋伏
遇我

皇上澤善無方便能以類

欲身升於大道

務博采於群材遂令鬼瑣之微亦被

龍光之溥重念臣烏鳥私情上塵

記憶

雲天厚施下賁幽潛不待請祈曲加

恩渥此尤臣之銘心鐵骨誓將糜殞百身而莫知所

以為報者也下敢不祇承

明聖勉竭愚忠紬繹溫尋益篤趨庭之舊學濯磨淬

礪彌堅許

國之初心臣無任感

天戴

聖激切屏營之至奉

聖旨覽奏陳謝朕知道了

同吏部侍郎徐縉等謝

賜扇疏

天
今月初三日伏蒙

聖恩賜臣等日講官川扇各五握者

恩教誨蕃榮已逾於三錫

聖情值渥寵獨邁於群僚臂縷先頒繭紙流墨華之
潤虎絛同賜錦囊懸象飾之珍捧寶月於

天門散

皇風於

左順方荷

茂恩於無極詎堪

殊貺之有加雪楮霜筠製巧裁於蜀匠金泥銀鈿價
實倍於齊統

賞及四臣人分五握協五明於

虞制陋九華於漢風臣等日徒侍於

講筵功無俾於

聖學彌增慚汗幸披

天上之涼颼敢不奉揚願掃人間之酷暑臣等瞻
天墜

聖無任感戴陳謝之至奉

聖旨知道了

此學士兄諸謝

恩之奏雖出一時聞

命對使揮毫之作然駢驪典則有足為後學式者因錄而刻之

嘉靖十年辛卯夏後六月朔旦

雙洲弟行謹拜手書

奏謝錄

禮部尚書兼翰林院學士臣夏言

謝命充

太廟捧主官并賜祭品疏

時為少詹事

嘉靖十年閏六月二十四日恭遇

皇上親詣

太廟

世廟祭告奉安香匱錦幄以妥

列聖神靈臣以末僚特承

恩之奏雖出一時聞

命對使揮毫之作然駢驪典則有足為後學式者因錄而刻之

嘉靖十年辛卯夏後六月朔旦

雙洲弟行謹拜手書

奏謝錄

禮部尚書兼翰林院學士臣夏言

謝命充

太廟捧主官并賜祭品疏

時為少詹事

嘉靖十年閏六月二十四日恭遇

皇上親詣

太廟

世廟祭告奉安香匱錦幄以妥

列聖神靈臣以末僚特承

寵命備負捧

主禮成伏蒙

聖恩賜祭品一卓酒一尊者臣誠惶誠忭頓首頓首

竊惟

闕宮有恤承

宗祀於萬年

寢成孔安脩

上儀於一代

威靈有在感慕無窮恭惟

皇上德茂承

祧志勤念

祖煥堯文於制作

隆舜孝於蒸嘗奉

匱主而致尊嚴陳豆籩以伸

妥侑義深崇報禮備情文臣叨被

眷殊獲駿奔於有事瞻依

玄穆觀緝典於告成既陪顯相之榮重拜

明禋之賜臣器同瓦缶慚莫注於黃流會厭藜羹懼

難勝於大哉仰露

優渥莫稱

對揚伏願

孝奉先而不匱載賡

清廟之歌

德啓後於無疆敢效華封之祝臣無任感荷

天恩之至奉

聖旨覽奏謝知道了

謝

賜宴幽風亭疏代諸臣作

嘉靖十年九月二十二日恭承

皇上駕幸西苑

御無逸殿賜內閣大學士臣李時臣翟鑾坐講書無

逸篇詩幽風七月之章臣勛暨太子太保兵部

尚書兼都察院右都御史臣汪鉉戶部尚書臣

許讚禮部尚書兼翰林院學士臣夏言兵部尚

書臣王時中太子少保工部尚書蔣瑤通政使

司通政使臣張瓚大理寺卿臣周期雍同視聽

講講畢

上復

御齋風亭賜臣等同內閣輔臣及翰林諸儒臣就亭

下筵宴者臣勛等謹稽首頓首上言伏以

離照正中天下仰

文明之象

需雲升上君子當宴樂之辰自勅天之賡歌息響

即

明良之相會為難迨卷阿之矢音以還見

君臣之同遊有幾創觀百年之盛事真成千載之奇

逢恭惟

皇上履運當天丕聞

帝謨之弘遠對時育物迪知王業之艱難至忘旰食

之勞務廣日新之政乃者

乘輿臨幸旣勤身以勸農今則

宮殿落成益留情於講學乃移

金華之經席

特命紫閣之儒臣莪冠而講唐虞坐廣廈細旃之上

登堂而見

堯舜立光天化日之中熙熙然三代之風卓卓乎
一王之典既而載陳樽俎饗官調

御府之珍侑以鼓鐘伶部奏鈞天之樂時則風清
玉陛藹瑞氣於

御筵日麗

彤闈散祥光於

禁苑臣等均叨霑醉倍奉

寵光喜溢群心歡同萬國伏願日升川至歌

明主之保邦雲行雨施識

聖人之敷教臣勛等瞻

天戴

聖無任歡忻感荷之至奉

聖旨卿等奏謝朕覽已知道了

謝

頒賜红柿疏

嘉靖十年十月十七日伏蒙

聖恩頒賜红柿六箇臣謹頓首稽首祇受者臣昨侍

講筵嘗荷希珍之

賜頃來南省首霑優渥之

恩寵分

僊席之餘降自

尚方之重朱膚映日擬萍實以齊甘玉液含霜淩水

圭而獨冷雖華林暉章之竒植在昔有聞即安

邑靈關之嘉名無以匹此臣敢不卅衷自勵上

酬國士之知一飯未忘尚擬六歲之獻臣無任

感謝

天恩之至奉

聖旨覽卿奏謝知道了

謝

南郊安

神版禮成賜祭品䟽

嘉靖十年十月二十五日恭遇

皇上駕詣

南郊

躬親奉安

昊天上帝神御版

太祖高皇帝配祀神主於

泰神殿祭告禮成伏蒙

聖恩頒賜脯醢酒果一卓者臣等導引

天儀榮與壇垓之末賜霑

神惠光分俎豆之餘稽首登嘉端拜稱慶追記徃典

未稱

上儀欽惟我

皇上既恭建

園丘以昭法象又奉安

神御以極尊崇臣等忝竊禮官遭逢

盛事重荷

明禋之賚采深感激之私謹具本陳謝奏

聞奉

聖旨覽卿奏謝知道了

謝

特賜曆日疏

嘉靖十年十月二十八日該欽天監進

御覽等曆臣同文武百官俯伏班行蒙

頒賜嘉靖十一年大統曆日一冊是日復蒙

聖恩特賜臣中曆一冊散曆十冊者竊以黃鍾應律

玉衡明七政之辰北斗移春寶曆布萬方之朔

謹人時於敬授協天運於仰觀惟

聖神化育之功得輔相裁成之道仰惟

皇上天保孔固當曆數之在

躬

神錫無疆適

文明之應會登臺石望雲物占氛祲之全消拂瑄

以候陽和驗錙銖之不爽臣徒糜歲月無補治

功甲子新編已拜

外廷之賜司天秘秩重叨

中禁之頒計日知年敢惜衰遲於犬馬班和布政

願同熙皞於乾坤臣無任慶抃感激之至奉

聖旨覽卿奏謝知道了

謝命充

園丘分獻官并賜祭胙䟽

嘉靖十年十一月初一日恭遇

皇上告請

太祖配神于

太廟該尚膳監收回邊豆進

乾清宮奏奉

聖旨賜分獻官四員及臣言者伏以

圖立肇祀曾叨

郊幣之將

大報再稱重荷

廟遷之錫

恩私過渥感激彌深其惟

皇上稽古正祀感

神格

天歲歲

郊裡慶協履長之旦

皇皇配帝

孝隆尊

祖之文既茂對於

時休式

靈承乎

釐貺臣叨陪扈從偶阻駿奔中夜齋心仰助
精裡之切明晨稽首遙瞻

袞宸之嚴臣無任慶忭感戴之至奉

聖旨覽卿奏謝知道了

謝

遣大慈延福宮行禮賜銀兩并紵絲表裏疏

嘉靖十一年二月十五日伏蒙

欽命恭詣

大慈延福宮拜進

御製祈告祝文上香行禮已經具本復

命外茲者伏蒙

聖恩賞銀二十兩紵絲一表裏者竊念臣每以微勞

輒叨

重賞固辭未獲愧無犬馬之勤

寵賚奚堪莫効涓埃之補惟願

天眷有德篤生

上聖之資

神錫無疆永保萬年之祚臣無任感戴
天恩之至奉

聖旨覽奏謝知道了

謝賜

御製視二閣工程有感詩疏

嘉靖十一年二月二十一日伏蒙

皇上遣太監李經齊捧

御製因視二閣工程過觀

世廟有感五言古詩一章

親灑宸翰頒賜臣者臣誠歡誠忭稽首頓首上
言伏以

聖藻流光快觀

堯文之煥

皇情興感彌彰

舜孝之純一時之賡載同風千載之游歌再見

建連薨而開

寶苑拓

祖宗不拔之基

御飛輦以發天葩縱

神聖有餘之學適太平之多暇當春日之載陽肆筆

成章昭述

祖欽

天之業永言維則啓光前振後之圖文豈徒為事如

有待端拜

琬琰之賜謬承

華袞之褒顧慚末學之荒蕪且以副

新恩之優渥茲蓋恭遇我

皇上德齊乾覆

智與離明過憐孤蹇之小臣亦被遭逢之厚幸察

其愚朴雖三至而不疑嘉以忠良豈百身之足

報臣敢不誓殫勛力同犬馬以何辭願竭心思

冀涓埃之少補爰抽拙思妄綴鄙章瓦缶哇聲

敢嗣音於大樂秋螢燭火輒晞彩於太陽伏願

聖主矜愚采弗遺於封菲

皇天錫祐占早協於熊羆臣無任感

天荷

聖激切屏營之至奉

聖旨覽卿奏謝知道了

謝

賜川扇疏

嘉靖十一年四月初四日伏蒙

聖恩賜臣川扇十二握者伏以融精引曜鼓炎熾於

鑪錘

玄宰幹璣布清涼於掌握惟

聖人之溥大惠補造化而有全功蜀蘭飛霜色

金之瑩湘筠破玉光含赤野之精允為

天府之寶藏詎拜

尚方之珍賜臣官聯日進汗慚益倍於諫垣

恩數歲增寵賚有加於

講幄望逾素分感極

眷私襟袖揮揚頭掃閭閻之酷暑

雲霄有出入長懷

閭闔之清風臣無任欣戴感激之至奉

聖旨覽卿奏謝知道了

謝賜

先帝篆書大字并內府書籍疏

嘉靖十一年四月初六日伏蒙

聖恩特命中官欽捧

恭穆獻皇帝睿筆篆書持盈守滿四大字并

睿製恩紀含春堂詩并內板四書五經性理大全歷

代通鑑綱目纂要名臣奏議文獻通考

大明集禮一統志等書凡十四部計五百四十八冊

願賜臣者誠懼誠忤頓首頓首伏以

懋恩渙赫

寵錫便蕃循省何堪震惶靡措捧

先皇之睿製聿瞻

雲漢之光獲

秘府之寶箴端拜

琬琰之賜矧

名言足佩允為終身四字之符顧群籍未窺尚愧古
人三冬之用昔唐太宗於馬周有飛白之賜榮

已冠於一時歐陽脩在宋室得漢書之頒寵實
加於晚節豈若愚臣之遭際過蒙

明主之眷憐

手澤如新仰識

聖人之父子

恩私過渥式觀今日之

君臣慚無勞効之可稱詎辱

寵嘉之荐及茲蓋恭遇

皇上曲軫

天慈俯矜蟻悃謂臣夙預

講筵之列故獨得

赦其僭踰念臣志在文字之間庶託以發其蒙昧臣

感深欲涕喜極若驚終日謙譙稟

先帝滿盈之訓窮年矻矻勵前脩蚤夜之勤皓首銜
恩赤心圖報雖儲無儋石可忘耕鋏之憂惟家有

賜書豈羨籩金之積永以為寶願濟美於雲來盛必

可傳冀流芳於竹帛臣無任瞻

天荷

聖激切屏營之至奉

聖旨覽卿奏謝知道了

謝 命充

方澤分獻官并賜告

太廟祭品疏

嘉靖十一年五月初七日伏蒙

聖恩以祭告

太廟果酒脯醢

頒賜臣者竊念臣忝以禮官之末獲與勳輔元僚俱

拜分獻

方澤之命其為榮幸已越尋常重蒙邊豆之頒尤荷
神明之寵謹望

闕叩頭祇受外臣不勝感戴

天恩之至奉

聖旨知道了

謝

賜白金并綵段表裏疏

嘉靖十一年六月十九日伏蒙

聖恩以恭建

崇寧壇并

欽天追先二閣告成

特賜臣白金一百一十兩大紅綵段九表裏者

殊錫便蕃

茂恩優渥

寵已溢其涯分

賞實過於勤勞極知受

賜之榮益負無功之愧恭惟

皇上光昭古典

丕聞

聖文敬

天克遘乎

鴻庥紹

祖懋揚於

先烈

三靈叶助

九廟增輝通觀

大業之垂允為

盛德之發竊念臣學昧通經才非用世謬蒙

宸眷驟列大僚雖苟充

任使曾微夙夜之勤顧曲荷

包容每被

乾坤之施臣敢不勉脩忠慎兢兢焉常若有臨誓答

聖明斷斷兮更無他技臣無任感

天戴

聖謹具本陳謝奏

聞奉

聖旨覽卿奏謝知道了

謝

賜薦新粳飯脯醢果酒䟽

嘉靖十一年九月十三日伏蒙

聖恩以薦新粳飯脯醢果品并酒一瓶賜臣者匙翻

玉粒香分

御廩之稷壘注黃流珍集

闕宮之饌慶豐登於

帝藉樂農歌大有之秋用
孝享於

內庭溥

神錫無疆之福臣叨受

九重之賜愧無四體之勤正以先嘗一飯敢忘於
帝德熟而後薦九原咸沐於

天恩除就私家望

闕叩頭外臣不勝感戴之至奉

聖旨覽卿奏謝知道了

謝

召對并賜

宸翰御製詩疏

嘉靖十一年九月十三日伏蒙

聖恩召見臣於西苑

迎翠殿

御製面諭大宗伯言舉所知以備翰林之選五言詩

一章又秋日書懷七言絕句一章

命臣即時恭和明日以龍牋一幅

親灑宸翰書前詩

頒賜臣者誠懼誠忤稽首頓首上言伏以

書載賡歌世際明良之會易稱交泰志成上下
之同善君臣之相遇為難惟天地之財成有道
慨二帝三王之後慶千載一時之逢

寵出非常臣實何幸茲蓋恭遇

皇帝陛下

智神徧物

清明在躬

敬與日躋

聖由

天縱

御文華而講學孜孜焉俊乂之求

臨西苑以勞農倦倦乎猷畝之念偶乘萬幾之多暇
適維九月之凜秋來遊來歌音嗣乎成周之雅
省耕省歛德比於先王之觀

覽寶月之新亭

坐澄波之清館開軒

召對近接

龍顏造膝訪延密承

天語旁求史職欲資搜采之專必得儒英始副編摩
之重責臣以職守之避勉臣以思報之忠俞弗
相從股肱是託遂揮

宸翰發之篇章爰奉

綸音命以屬和無

示秋懷之作過厓邊戍之憂

煥矣至文日星明而煙雲麗

大哉聖藻虎鳳躍而韶鈞鳴顧臣才非倚馬慚無

應

制之能技本雕蟲曷副求賢之

詔既仰窺於

聖作且獲侍於

宸遊飽飫

天厨之珍歷覽

禁園之勝歸來如喜善極而驚誠不世之奇逢出
平生之至望詎意尚留

聖眷重賜

奎章御墨金函宛降從於

天上龍飛鳳翥忽光動於人間百拜而受

君父之恩奕世以為子孫之寶臣敢不益舒忠蓋上

酬

優旨之褒嘉務廣薦揚仰副

聖心之采擇尚力圖於來効冀少答於

鴻私臣無任感

天戴

聖激切屏營之至謹奉表稱謝以
聞奉

聖旨覽卿奏謝具見忠敬至意知道了

謝

特恩開除本戶軍伍疏

臣於嘉靖十一年十月十七日上

奏為比例陳情懇乞

天恩開豁軍伍事本月二十日奉

聖旨准除豁兵部知道欽此臣謹以次日恭赴

闕庭瞻望

天顏稽首頓首謝

恩訖臣竊惟私計傍徨輒布顙

天之悃

聖恩曠蕩遠霑解網之仁特祗奉乎

綸音重仰煩於

御筆刊除戎籍復門於百年金革之餘崇獎儒紳

榮子孫以一代衣冠之後光生里閭

寵被松楸茲實恭遇

皇上至慈天覆

全度海涵草木何知借

慶雲之渥采魚鰕極陋忘

巨浸之汪洋切念臣宇內孤生江南徽族少承家

學幸登

明聖之朝世受

國恩僅守先人之業式際

右文之日謬膺典禮之宗肆陳偃武之休竟副歸

農之顙

恩覃百代何啻九遷其官

澤匪一身如將十世以宥臣敢不誓殫勛力期報
德於明時施及雲仍尚輸忠於來世臣不勝感戴
天恩之至奉

聖旨覽卿陳謝朕知道了

謝

賜曆日疏

嘉靖十一年十一月初一日恭遇

皇上給賜百官嘉靖十二年大統曆并

頒行天下臣已預在

廷之賜是日復欽蒙

聖恩賜臣中曆一冊散曆十冊者伏以

鳳曆授時觀周正三陽之始

龍飛啓運更太平一紀之新律琯嘉應於黃鍾斗柄
潛迴於

紫極

天舒景象瑞日麗而慶雲翔人樂熙純壽域開而協
氣布恭惟

皇上堯仁蕩蕩育萬物以同春

舜治巍巍配四時而成序

正朔載頒於率土聲教日暨於敷天

中和致而經綸生坐享無為之盛調燮明而璣衡

順共成有道之長臣公荷

寵頒私叨

榮賜敢不敬遵唐典共蠲吉以和神人寅奉爰時務

直清以稱夙夜再無任感謝

天恩之至奉

聖旨覽卿奏謝知道了

謝

賜红柿疏

嘉靖十一年十月二十七日伏蒙

聖恩頒賜红柿六箇臣謹就私室望

闕叩頭祇受者伏惟

華林珍味幸已竊於再嘗

御席恩頒寵實蒙於三錫觀經霜之熟蒂坐憐青歲
之荐更捧映日之朱稜自覺丹心之逾勁彼燒

梨之賜尚思播美於他年顧懷摘無從敢忘移
忠於

聖主臣無任感謝

天恩之至奉

聖旨覽卿奏謝知道了

謝賜

太廟請

南郊配神奠品疏

嘉靖十一年十一月十三日恭遇

皇上將有事于

南郊以是日請

皇祖配神奠品

頒賜分獻四臣臣言叨預獻官獲蒙

恩賜者恭惟祇稱

大報禮將慶成於三分獻

從壇祭以有事者再

侑神作主遙攀

高廟之靈旂祀

祖配

天重薦

崇丘之華壁未序

壇垓之列累霑

俎豆之頒端拜

寵嘉懋承

休慶伏願

精誠鬯達

大神睠顧而依懷

純化旁流

景福緝熙而申錫臣無任欣戴感荷之至奉

聖旨覽陳謝朕已知道了

謝賜

太廟獻白兔脯醢酒果䟽

嘉靖十一年十一月十二日恭承

皇上以西蜀撫臣所進白兔呈獻于

太廟

世廟之寢殿臣叨承

簡命供事

廟庭禮成欽蒙

頒賜脯醢酒果者竊惟瑞物應圖

聖德增光於

祖考精誠享

廟隆恩錫啟於臣隣遙觀希世之珍式慶非常之遇

臣無任欣幸感荷之至奉

聖旨覽卿奏謝知道了

謝

加太子太保并賞銀兩表裏疏

嘉靖十一年十一月十七日伏蒙

聖恩錄臣視工微勤加太子太保并賞銀五十兩紵

絲四表裏者臣誠惶誠恐頓首頓首竊惟

寵錫祚加榮非意及辭遜弗獲愧與懼并申

渙號以自

天措微躬於無地感

恩私之過渥思報塞之彌艱伏念保傳之官古重其

選周召而下已難其人降自近代尚存典刑迨

入

聖朝輩有名德然皆才足以濟

國家經綸之業故其位可以備

朝廷柱石之資未聞蹇淺之庸流亦玷高華之重

秩茲實伏遇

皇上

德協穹昊

明並羲和紹

祖重光經緯不隆於基構配

天無極功業煥發於文章

懋學日進於光明求賢每甚於饑渴如臣孤陋亦
被

甄收頃從諫垣拔置詞苑荐拜秩宗於南省晉登
保氏於春宮文幣兼金禮重

九重之錫紆朱拖玉官聯一品之班
天寵超踰越數十年之資叙

昌期會合慶千百世之遭逢臣敢不采堅葵藿之
心益策犬馬之力鞠躬盡瘁上酬

聖主之知矢死靡他敢負

皇天之德臣無任感戴

天恩激切屏營之至奉

聖旨覽卿陳謝知道了

謝奉

勅撰真人府記

賜銀兩并大紅紵絲織金雲鶴衣疏

嘉靖十一年十一月二十日伏蒙

聖恩以臣奉

勅撰顯靈宮碑文

特遣文書房官焦忠齋

賜臣銀四十兩大紅紵絲織金五彩雲鶴衣一襲者

臣頓首頓首恭祝私邸望

闕叩頭祇受訖竊惟操觚染翰供儒臣職分之常

錫服賜金荷

聖主眷私之厚過拜

大廷之顯賚重廬中使之貴臨里巷增榮章縫動色

恭惟

皇上文明啓運

皇德建中

聖藻宸章經天緯地乃取善不遺於尺寸而施

恩每溢於分涯但臣言豈重於無金頓訝私籛之滿

才實慚於製錦僭叨命服之華尚圖勉竭於孤

忠庶使無嫌於虛授臣仰荷

天恩無任感激欣戴之至奉

聖旨朕以卿撰真人府文記故加以賞覽奏謝知道

了

奏謝錄

太子太保禮部尚書兼翰林院學士臣夏言

謝

賜時享

廟胙䟽

嘉靖十二年正月初七日恭遇孟春特享

太廟時享

世廟臣奉

命捧

皇上文明啓運

皇德建中

聖藻宸章經天緯地乃取善不遺於尺寸而施

恩每溢於分涯但臣言豈重於無金頓訝私籬之滿

才實慚於製錦僭叨命服之華尚圖勉竭於孤

忠庶使無嫌於虛授臣仰荷

天恩無任感激欣戴之至奉

聖旨朕以卿撰真人府文記故加以賞覽奏謝知道

了

奏謝錄

太子太保禮部尚書兼翰林院學士臣夏言

謝

賜時享

廟胙䟽

嘉靖十二年正月初七日恭遇孟春特享

太廟時享

世廟臣奉

命捧

主是日禮成欽蒙

賜胙例當次日

朝畢立班於

御前叩頭稱

謝本月初九日

皇上御

奉天殿視朝臣偶因滯疾舉發痛楚臥床不能
朝參隨班行禮臣謹就私室扶疾望

闕叩頭訖伏念

天恩至重

神惠孔時臣病阻趨

朝禮宜陳

謝伏願

元辰啓祚

帝休如日之升

陽運應乾

聖壽與天無極臣無任仰

天祝

聖感激屏營之至奉

聖旨覽卿奏謝知道了

謝

賜陪祀

帝社稷壇祭品疏

嘉靖十二年二月初六日祭

帝社

帝稷臣言叨預陪祀之列伏蒙

聖恩以籩豆二卓酒二甌分

賜及臣者仰惟

親耕王籍既修祀於郊躬稼天田復祈年於

帝社自覩

靈壇之建屢勤

玉輅之臨桂圃蘭場瑞雪沾濡於俎豆

龍池鳳苑春風披拂於冠袍自非勳重館閣之臣

莫預趨陪扈從之列瞻依多幸奔走為榮祇承

神惠之頒端拜

聖恩之寵所冀農惟政本

天心軫稼穡之艱難富實教資

帝化施聲名之洋溢臣無任感謝欣躍之至奉
聖旨覽卿奏謝知道了

謝

賜告獻瑞鹿

太廟捧

主祭品疏

嘉靖十二年二月二十六日恭遇

皇上以河南撫臣所獻瑞鹿告獻

太廟

世廟先是伏蒙

簡命臣叨預捧

主無代獻

孝廟禮成是日欽蒙

頒賜獻

廟脯醢酒果者除臣恭就私室望

闕叩頭訖臣伏以

禎符畢至

三靈昭啓聖之徵

瑞慶大來九有賴格

天之烈神州毓秀嵩嶽效靈產茲白鹿之珍協此青

陽之候

闕庭快覩匹周敷之祥麟歌頌同聲陋漢池之天馬

獻登

清廟

祖考悅而第祿來成喜動

慈宮春酒觴而眉壽以介允屬

聖朝之希事足垂來世之美談慶洽神人懽傳夷夏

臣未展

殿廷之

賀先蒙俎豆之

頒

聖壽無疆旦日効華封之祝

前星有耀春朝應彌月之占臣無任感謝頌禱之

至奉

聖旨覽卿奏謝知道了

謝

賜奠告

先聖先師祭品疏

嘉靖十二年三月初一日恭遇

皇上躬詣

文華殿以經筵開講奠告

先聖先師是日伏蒙

聖恩以和羹脯醢酒果

頒賜及臣者恭惟

嚴奉

先師道重

皇王之統敦崇正學業光

聖主之勤先

經筵勸講之辰隆釋奠告

神之禮門開

左順

翠旌曉颺於軒墀室啓

文華

龍家春輝於俎豆式觀

盛典實穰前聞

建極執中妙千聖傳心之法

承謨顯烈弘百王治世之規惟

佑啓之自天信

景崇之有地瞻依甚幸啓沃多慙廣履細旃忝厠

趨陪之列大羨去酒時叨

霑賜之恩感激彌深名言莫旣臣無任欣慶抃蹈

之至奉

聖旨覽卿奏謝知道了

謝

賜扇疏

嘉靖十二年四月十一日伏蒙

聖恩賜臣川扇十二握者臣恭就私邸望

闕叩頭訖臣竊惟歲序飛騰炎光忽屆

眷私優渥

珍賜重頒

舜絃鼓天上之風阜財解愠

武筵救人間之暍逐暑迎寒臣出入蒙懷袖之
恩朝夕被奉揚之

寵深惟涼薄仰

大柄以何裨敢自棄捐從下風以圖報臣無任感
激稱謝之至奉

聖旨覽卿奏謝知道了

謝

賜皇子生告

天告

廟酒果脯醢䟽

嘉靖十二年八月十九日恭遇

皇嗣誕生二十日伏蒙

聖恩以告

天奠

廟酒果脯醢一卓頒賜臣者伏惟

皇天眷德允釐

胤祚之昌

烈祖垂庥式篤

邦家之慶

位隆守器

禮重承祧筦箠之寢既安弓韉之祠實應螽斯蟄

蟄祥開

第一子之生瓜瓞綿綿慶協百斯男之禱臣駿奔

有恪爵躍惟深已叨

宗廟之榮重拜

神靈之錫

異恩疊荷架感難言臣無任仰戴

聖恩之至奉

聖旨覽卿奏謝知道了

謝

賜皇子誕生銀兩表裏喜紅疏

嘉靖十二年八月二十日恭遇

皇子誕生群臣稱

賀禮成伏蒙

聖恩賜臣喜錢銀二十兩彩段三表裏又大紅雲紵

絲一表裏者臣伏惟

宮闈集慶海宇騰歡膺

皇運之邳隆覩

天枝之彌茂燕謀饗德

三靈錫

昌熾之休熊夢生賢萬國仰

元良之建遭逢

大慶沾沐

殊恩文綺重頒荷

龍光之衣被白金加賜感

昔錫之駢蕃臣燕爵卑喧曷贊

鈞天之喜雲霞不肖實增草木之榮伏願品彙蒙

休未保

太平之業

神靈錫羨益增

蕃行之禎臣無任瞻

天戴

聖感激欣愛之至奉

聖旨覽卿奏謝知道了

聖旨謝
賜內殿薦稻祭品疏

嘉靖十二年九月初三日伏蒙

聖恩以薦稻

內殿徹回珍膳果品脯醢并酒一壺

頒賜臣者臣謹就私室拜受望

闕叩頭訖伏惟

靈稼登場

帝籍衍豐年之慶芳稌薦

廟

天家呈農事之祥恭承

孝享之休祗被

神明之錫罇盈秬鬯飯熟香秬玉杵羅饋食之籩翠

釜分薦膳之俎

敷恩特異受

賜增榮臣敬薦先人歆一歲食新於

天祿奉嘗正席慰百口仰哺於

君仁惟素飽以知慙竟無功而可補伏願

棗盛大備永承

郊廟之共畎畝同豐晉遂烝黎之賴臣無任感激蒙
荷之至奉

聖旨覽卿陳謝知道了

謝

賜奠告

先聖先師祭品疏

嘉靖十二年九月十一日伏蒙

聖恩以開講奠告

先聖先師酒果脯醢

頒從內閣分賜及臣者伏以

天作君師道統遠承於異代

日新治教

聖人親見於當時春秋開勸講之筵朔旦動釋奠之
禮文明兆泰儒服增榮愧無啓沃之能叨受馨
香之

賜伏願

青宮日麗蚤聞絃誦之音

紫殿風清時見夔龍之集臣無任感激恭謝之至
奉

聖旨覽卿謝疏朕知之

謝

賜手勅并御筆金書大字疏

嘉靖十二年九月二十四日該文書房官張奉

齎捧

賜太子太保大宗伯言

御封一道付臣拜手啓觀伏蒙

聖恩特降

手制併以

御筆青牋金書秩宗二字賜臣者臣誠惶誠忭頓首

頓首伏以

鳳翥龍蟠玉管應奎躔之象

霞明日麗金書煥龜洛之文

聖人之心畫天成

帝王之筆精神造惟自古君臣難得於相遇故人間
翰墨罕見於流傳詎期草芥之踪式際風雲之

會

頌來

聖藻題函重宮保之稱

揮灑

僊毫點翰申秩宗之命

雲龍交映

金碧生輝

銀鈎飛白而風雨停

玉璽流丹而星辰動彼模勒以賜宰輔尚足稱賢

顧遊戲以自娛情安能比

聖恭惟

皇上

通駿舜孝

煥有堯文

恢張

帝猷禮樂興而

天地治

光揚

聖業謳歌集而夷夏寧

天馨茂久忱於

天心

元良蚤貞乎國本

星弧啓瑞

天第增華備舉

上儀登闕

昌祚臣猥以章句之學謬參典禮之司極知虛竊
以多慙每荷

考殊之誤被昔周禮春官之設不聞夙夜之規

典欽伯夷之咨未有丹青之寵豈若愚臣之幸

倍於古人之遭千載一時忠敢虧於臣節萬年

兩字世未戴於

君恩邑里騰懽山川改觀藏諸石室榮光起而屬天

垂於汗青芳聲流而動地臣無任感

天戴

聖激切屏營之至奉

聖旨覽卿陳謝知道了

謝

賜進書賞齋疏

嘉靖十二年十月初六日欽奉

聖旨覽卿所表奏禮書具悉尊禮至意且愛君守正著集精詳不必朕序書名與做郊禮通典且留覽夏言賞銀四十兩衣一襲綵段三表裏除臣報名於次日赴

闕謝

恩訖本月二十五日工部都水清吏司製成大紅織

金雲鶴紵絲員領并藍綠紵絲貼裏襯衣一襲本部主客清吏司關領出銀四十兩綵段三表裏各齊至私邸

賜臣者臣頓首頓首伏以銀幣盈筐顯拜

大廷之賚衣裳在笥光膺

命服之頒

寵錫駢蕃

綸音慰藉竊念臣樗材下乘陋識淺聞將順建明久慚無補編摩潤色粗幸有成志將獻其愚忱慮

罔虞於衆忌所願獲塵於

英鑒庶幾不惑於來觀敢期附託於

聖謨輒覲惠徵於醴賞方抱僭踰之懼願承忠愛之
褒禮重兼金矢瑩心於百鍊願逾文繡借未譽
於千齡茲實恭遇

皇上

睿明先物

制作邁倫厲志典文銳情稽古遂使斯銘之末伎
式叨袞鉞之餘光賞及布衣不意爲此之賤下

逮書史均沾

雨露之榮允維

天度之恢弘益覩

鴻私之曠蕩臣敢不誓殫踈拙圖稱

熙明直道而行願無隳於素守平生所學期不負

於

聖知臣無任感

天荷

聖激切戰兢之至奉

聖旨覽卿陳謝知道了

謝

賜新曆疏

嘉靖十二年十一月初一日恭遇

聖恩賜臣中曆一冊散曆十冊者臣誠懼誠忤頓首
頓首伏以

帝協重華齊虞衡之七政

皇建有極叙禹書之九疇寒暑時而百穀順成陰陽
調而萬彙咸遂此蓋伏遇

皇上道同天大

德盛日中

贊化育而歲工允釐

布正朔而民時敬授臣官聯春省秩帶

青宮觀鳳曆之一更荷

鳴鈞之再造虛庸無補徒警歲月之方新勛力未衰
尚許駕駘之盡瘁伏願

巍巍蕩蕩效三祝於堯封蟄蟄誥誥頌百男於周

雅臣無任瞻

天仰

聖感激稱賀之至奉

聖旨覽卿奏謝知道了

謝

賜紅柿䟽

嘉靖十二年十一月十五日伏蒙

聖恩頒賜紅柿六枚臣恭就部署稽首頓首拜受者

時珍荐賜又占歲月之新

天睠忽臨甫值簿書之暇

恩沾塵渥感切冰兢實明千春乍擬金桃之麗味調

六氣中含玉露之滋

寵溢圓方光騰几席臣薦之祖禰侈

皇朝重士之榮觀於陰陽得君子碩果之吉臣無任

感激榮荷之至奉

聖旨覽卿奏謝知道了

謝

賜酒飯䟽

嘉靖十三年正月初七日伏蒙

欽命臣等恭詣

奉天殿演習頒

勅禮儀重蒙

聖恩賜飯臣等除墜

闕叩頭訖伏惟

人日逢辰集春風於

殿陛

天家有慶瞻瑞氣於

宮闈屬當獻歲之初叨預大官之賜素浚知

德難忘臣等不勝感激陳謝之至奉

聖旨覽卿等奏謝知道了

謝

賜遣告

社稷祭品疏

嘉靖十三年正月十四日伏蒙

欽遣臣以

冊后禮祭告

太社

太稷事畢是日蒙

頒賜脯醢祭品一卓者伏以祥占

宮掖卜獻歲之上春禮洽

壇陔展明禋於時告恭惟

古典屬在芳辰謬承攝事之榮遽荷

賜膳之寵載沾神惠竦感

天恩臣俎豆有聞忝竊神人之責經綸莫試羞稱

社稷之臣伏願

神聽於昭繁祉介

室家之胤

天保孔固丕基弘土宇之章臣無任欣戴感激之至

奉

聖旨覽卿奏謝知道了

謝

賜冊后見

廟祭品䟽

嘉靖十三年正月十五日恭遇

皇上冊后禮成是日率見

太廟

世廟行謁告禮臣奉

命充謁告禮使掌祭

廟庭次日伏蒙

聖恩頒賜牲胙并和羹粢盛籩豆共三十二品者臣

誠懼誠忤稽首頓首伏以

二南基化周詩詠窈窕之風

三極建才義畫定乾坤之象

禮重神靈之統

德崇宮壺之儀

日月開曜於重光

陰陽媾和於泰始載

頒縉典式叙

彛章嘉月蕙時

玉璽正

六宮之位禘衣駟馬

金根嚴

九廟之朝遠追周典之隆復覩漢儀之盛君親迎以

玄冕孝莫大於宗祊后亞裸以璋璿敬允宜於
京婦明章宮教登建

毋儀徧函夏以同休洽神人而共悅臣榮膺使

命濫厠禮官慶

釐事之告成荷

俎膳之荐錫臣謹用獻於家廟聿昭

天寵之穠饗及賓筵共戴

君恩之溥伏願承

乾配

聖百男協文定之祥興夏翊周四國被化行之美臣

無任歡忭激切感戴之至奉

聖旨覽卿陳謝朕知道了

謝

賜酒飯疏

嘉靖十三年正月十七日伏蒙

聖恩以演禮

殿庭

特賜光祿寺酒飯者臣等假休勝日疊受

渥恩每食知慚無功可稱臣等不勝感謝之至奉
聖旨覽卿等奏謝知道了

謝

賜衣疏

嘉靖十三年正月十八日恭遇

欽冊皇后詔書禮成是日伏蒙

聖恩以遣臣祭告

社稷賜大紅織金彩粧雲鶴紵絲衣一襲者臣稽首

頓首竊惟

丹詔載頒肇正璇宮之號錦袍新

賜顯承

玉陛之恩禮式洽於神人慶旁流於中外

乾坤交泰

日月增華詎堪黼黻之章猥冒草茅之質榮深衣

被感切服膺伏願

天保蘿圖麟鳳應衣裳之治

春生椒掖熊羆協完筆之占臣無任激切感戴祝

願之至奉

聖旨覽卿奏謝知道了

大正十一年六月二十三日

支那通商口岸

日清通商口岸

支那通商口岸

支那通商口岸

支那通商口岸

支那通商口岸

臺灣國家圖書館, NATIONAL CENTRAL LIBRARY, TAIWAN. R.O.C.

